



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU SAVEZA ZA STARI GRAD

Broj: 03-07-6-601/17
Sarajevo, 26.04.2018. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Savez za Stari Grad za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je politička stranka Savez za Stari Grad prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Savez za Stari Grad za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2016. godinu, politička stranka Savez za Stari Grad se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.050,00	25,17
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.800,00	43,15
7.	Prihodi iz budžeta (3-f)	1.321,32	31,68
8.	Prihodi od propagande (3-g)	0,00	0,00
I	Ukupni prihodi (1-8)	4.171,32	100,00
II	Ostali prihodi i drugo	0,00	0,00
	Izvori finansiranja (I+II)	4.171,32	100,00

U godišnjem finansijskom izvještaju stranka je iskazala ukupne rashode u iznosu od 1.000,00 KM.

2. PREDSTAVLJANJE POLITIČKE STRANKE

Naziv političke stranke: Savez za Stari Grad.

Politička stranka Savez za Stari Grad registrovana je kod Općinskog suda u Sarajevu, rješenjem broj: 065-0-F1-16-000002 od 25.04.2016. godine.

Sjedište političke stranke je u Sarajevu, Franjevačka 1.

Lice ovlašteno za zastupanje stranke je Vedran Dodik, predsjednik.

Lice ovlašteno za finansijske izvještaje za 2016. godinu je Alma Jašarević.

Prema podacima iz godišnjeg finansijskog izvještaja za 2016. godinu, politička stranka Savez za Stari Grad nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Savez za Stari Grad za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja političke stranke Savez za Stari Grad obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Kontrola i pregled finansijskog izvještaja političke stranke Savez za Stari Grad se obavlja prvi put.

5. NALAZI I PREPORUKE

5.1 NALAZI

Politička stranka Savez za Stari Grad prekršila je odredbe člana 11. i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da politička stranka Savez za Stari Grad nije u Završnom računu za 2016. godinu pravilno iskazala prihode i rashode, što upućuje da nije podnijela finansijske izvještaje na način koji je utvrđen računovodstvenim propisima, čime je prekršila odredbe člana 11. i člana 12. stav (1) Zakona o finansiranju političkih stranaka.

Takođe je utvrđeno da stranka nije obrasce godišnjeg finansijskog izvještaja za 2016. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

(1) Služba za reviziju je utvrdila da podaci o prihodima i rashodima iskazani u godišnjem finansijskom izvještaju ne odgovaraju podacima iz Bilansa uspjeha za period 01.01-31.12.2016. godine.

- Stranka je u godišnjem finansijskom izvještaju koji je dostavila Centralnoj izbornoj komisiji Bosne i Hercegovine iskazala ukupne prihode u iznosu od 4.171,32 KM, dok je u Bilansu uspjeha za period 01.01-31.12.2016. godine iskazala ukupne prihode u iznosu od 2.371,00 KM.

Uvidom u obrazac 3-e (nenovčane donacije i računi koje stranka nije imala obavezu da plati) utvrđeno je da je stranka primila nenovčanu donaciju pravnog lica u iznosu od 1.800,00 KM. Stranka, međutim, prihode po ovom osnovu nije iskazala u Bilansu uspjeha za za period 01.01-31.12.2016. godinu.

- Uvidom u Bilans uspjeha za period 01.01-31.12.2016. godine utvrđeno je da je stranka ukupne rashode iskazala u iznosu od 2.142,00 KM, dok je u godišnjem finansijskom izvještaju koji je dostavila Centralnoj izbornoj komisiji Bosne i Hercegovine, navela da su ukupni rashodi iznosili 1.000,00 KM.

Politička stranka Savez za Stari Grad nije u obrascima 4 (ukupni rashodi) i 4.2 (troškovi propagande) iskazala troškove kampanje po računu dobavljača „Toplider“ d.o.o. u iznosu od 1.800,00 KM¹, čime je prekršila odredbe člana 21. i 23. Pravilnika.

¹ Podaci iz obrasca 3-e godišnjeg finansijskog izvještaja.

- (2) Kontrolom izvoda sa transakcijskog računa utvrđeno je da su fizička lica Alma Jašarević i Vedran Dodik stranci dala priloge u iznosima od 50,00 KM i 1.000,00 KM.

Uvidom u obrazac 3-a (prilozi fizičkih lica) utvrđeno je da je stranka iskazala prilog Vedran Dodik u iznosu od 1.050,00 KM, što je suprotno odredbi člana 14. Pravilnika.

U skladu sa članom 14. Pravilnika, stranka je prilog Alme Jašarević u iznosu od 50,00 KM trebala iskazati na stavci priloga nižih od 100,00 KM.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, politička stranka Savez za Stari Grad je u svrhu izborne kampanje mogla da potroši sredstva u iznosu od 331.545,60 KM.

Na osnovu podataka iz obrasca 3-e godišnjeg finansijskog izvještaja utvrđeno je da su troškovi kampanje političke stranke Savez za Stari Grad iznosili 1.800,00 KM³.

5.2 PREPORUKE

Preporučuje se Savezu za Stari Grad da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da pravilno vodi evidencije o prihodima i rashodima, odnosno da podnosi finansijske izvještaje na način koji je utvrđen zakonom i drugim propisima u skladu sa zakonom i*
- *da obrasce finansijskog izvještaja popunjava na način propisan Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku politička stranka Savez za Stari Grad nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

³ Stranka u godišnjem finansijskom izvještaju za 2016. godinu i postizbornom finansijskom izvještaju – Lokalni izbori 2016. godine nije iskazala troškove propagande. Stranka u aktu koji je dostavila Centralnoj izbornoj komisiji BiH navodi da nisu imali troškove kampanje, pa ih zbog toga nisu ni iskazali.